

INUIT ATAQATIGIIT

INATSISARTUNI



Nuuk, 23. januar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Naaja H. nathanielsen, Inuit Ataqatigiit)

Apeqqutit:

1. Allaatigisaq Reutersikkut den 21. januar saqqummersoq¹ naapertorlugu Naalakkersuisut Siulittaasuat Aleqa Hammond oqarsimavoq Tanbreez Miningip qinnuteqaataa Naalakkersuisut itigartikkaat. Aqaguani januarip 22-ani Aatsitassaqaqarnermut Naalakkersuisoq nittartakkatigut aviisimut Sermitsiaq.ag-imut oqaaseqarpoq Reutersigooq-una paatsoorsimasoq. Iluumortoq tasaanerarneqarpoq qinnuteqaatip aalajangiiffigineqannginnerani Naalakkersuisut nutaanik piumasaqaateqarsimasut. 23. januar Aleqa Hammond tusagassiorfinnut nalunaaruteqarluni oqaaserisimasani "erseqqissarpai". Jens-Erik Kirkegaardip aammalu Aleqa Hammond-ip oqaaseqaataat ima paasineqassappat Naalakkersuisut Reutersikkut allaatigineqartumut pisortatigoortumik ilumuunnginneraasut?
2. Paatsuuinerit taama ittut isumaqarfigineqarnitsinnut ajoqusiinnaallutillu atugassarititaasussanut killissaliussagut pillugit nalornisuulersitsinnaapput. Taamaamat eqqunngitsumik paasissutissiinerit saqqummiunneqariartullu pilertortumik qisuariartoqartarnissaa pissusissamisoorpoq. Naqqiisoqarnissaa Reutersikkunnut Naalakkersuisut noqqaassutigilersaarpaat?

Tungavilersuut:

Killavaat Alannguanni aatsitassarsiornissamut pilersaarut pillugu Naalakkersuisut oqaaseqaataat pingasut assigiinngitsorujussuit tusagassiuutitigut ulluni makkunani atuarneqarsinnaapput. Siullermik Reutersikkut atuarneqarsinnaavoq Tanbreez Mininnginngooq qinnuteqaataa Naalakkersuisut itigartikkaat. Itigartitsinermunngooq patsisaavoq ingerlatseqatigiiffiup peqqissusermut isumannaallisaaanermullu piumasaqaatigineqartunut naammassinnissinnaannginnera. Taamaattoqarnerali Aatsitassaqaqarnermut Naalakkersuisumit kingusinnerusukkut akerlilernerneqarpoq, taanna oqarmat nutaanik piumasaqaateqartoqarsimasoq qinnuteqaallu inaarutaasumik suli suliarineqanngitsoq. Tamatuma kingorna aammaarluni Aleqa Hammond oqaaserisimasani erseqqissarniarlugit avammut nalunaaruteqarpoq – taamaalioramili oqaasererikkani aalajangiusimallugit utertikkumangilai.

Erseqqilluinnarpoq qinnuteqaatit tamarmik Aatsitassanut inatsimmi piumasaqaatigineqartunut naammassinnittussaammata. Taama naatsorsuutigineqartariaqarpoq qinnuteqaatinik suliarinninnerup ingerlanerani nutaanik piumasaqaasiortoqartassasoq. Pinerliorneruvorli qinnuteqaatinik suliarinninnerup nalaani eqqunngitsunik paasissutissiisoqassappat suliamilu attuumassuteqaqataasut tusagassiuutitigut paasitinneqassappata, Naalakkersuisunit toqqaannartumik tusarlerneqaratik. Isumaqarfigineqarnerput ajoquserneqarpoq.

¹ <http://uk.reuters.com/article/2014/01/21/greenland-resources-idUKL3NOKV3G920140121>

Taamaammat pisariaqarpoq eqqunngitsumik paasissutissiinerit ilumuunnginnerarlugit piler-tortumik qisuariartoqartarnissaa, aamma pisariaqarpoq aalajangiisoqartoqartinnagu qaqugukkulluunniit suliame attuumassuteqaqataasut, ilagalugu qinnuteqartut Inatsisartullu Aatsitassanut Ataatsimiititaliaat, ilisimatinneqartarnissaat.

Ulluni suut tamarmik unittuulerfianni piitaatsuliornernut taama ittunut inuiaqatigiittut akissaqanngilagut. Naalakkersuinikkut aalajaassutsimut tatiginninnerup attanneqarnissaa tamanit pingaarnertissavarput, iliuuseqarata maangaannartitsisunik.